

սղանին զիշխան ոմն, որ էր այր քաջ և հղօր պատերազմող. և ելին անվնաս և զնացին զիւրեանց տեղիս:

1589. Հայոց թվ. ՌԼԸ. Օգոստոսի. Եկաւ ան տաճիկ ազգն, և Մնեազին քաղաքս հրկիղ արաւ, և բազում վնաս գործեց, և անթիւ մալ և խազնա տարաւ. զմարդիկ ի սուր մաշեց և զայլսն գերի տարաւ, վասն զի եարմաբքի (տօնավաճառ) ժամ էր: Բայց այս եղև ի թուլութենէ և անհոգութենէ իշխանաց մերոց:

1591. Թվ. ՌԼԹ. Օգոստոսի. Ի քաղաքս կամինից նոր պարոն եկաւ, որ կոչի Եան Բօռօցքիյ. և զմիւս պարոնն որ կոչի Նիքօլայ Պրիպքիյ՝ կենդանի գողով՝ եհան ի բերդէն, և փոխանակ նորա իւքն նստաւ:

1590. Հայոց թվ. ՌԼԹ. Մեծ երաշտ եղաւ, որ բնաւ անձրև չեկաւ մինչեւ ի բուն ամառն. և սերմանիքն և բոյսքն չորացան. վասն այն պատճառին մեծ սով և թանկութիւն եղաւ. զի ցորենոյ կապիճ տասն մաճրի (ոսկի) եղաւ, և սուլուն՝ 8 մաճրի, և տուկուն՝ 10 մաճրի, և կորեկն՝ 8 մաճրի, և ուվուն՝ 4 մաճրի. զոր բնաւ տեսեալ չէր և ոչ լուեալ: Բայց այս ամենայն եղև վասն չարաչար օրինազանցութեանց և դառն մեղաց մերոց. զոր Տէր Աստուած աւարտն ի բարին փոխէ. ամէն:

Հայոց թվ. ՌԼԹ. Օգոստոսի. Երկիր շարժեցաւ, զոր ընդ ամենայն տեղիս ծանուցեալ եղև. բայց անվնաս եղաւ նախախնամութեամբն Աստուծոյ:

1591. Հայոց թվ. ՌԻԽ. յուլիսի 2. Մեծ հիւնալի և զարմանալի մա նաւանդ Աստուծոյ սքանչելագործութիւն կատարեցաւ. զի այս սովոյս ժամանակն ի միում աւուր յառաւօտու՝ իննական սօմ Միխնոյ երեսփոխանն սոլու ծախեց, և մինչեւ ի ճաշ չորսական սօմ եղաւ ի նոյն օրն: Փառք Աստուծոյ մարդասիրին. ամէն:

1591. Հայոց թվ. ՌԻԽ. Վարդավառին պահօցն երկուշարթի Ծերչքո էլչի ի թագաւորէն գնաց ի խոնդիքարն:

1591-2. Հայոց թվ. ՌԻԽ. Թագաւորն Զիկմունդ Երրորդ վասն իրիք խոռվութեան՝ զոր էր բարկացեալ ան թուրքի խոնախարն ի վերայ այս աշխարհին և կամէր պատերազմել ընդ այս թագաւորիս. զոր և զհաշտելութիւն զոր ունէին ի նախնեաց՝ նա և զերզումն կամէր աւերել. բայց թագաւորն մեր Զիկմունդ հաստատուն եկաց ի վերայ իւրոյ երդմանն, և առաքեաց առ նա պատգամաւորս, զոմն Ծերչքո անուն և Զամոյսքիյ, որ գնացին մեծամեծ պարգեւօք, և հազիւ կարացին զիջուցանել զբարկութիւն այդ... և հաստատեցին զխաղաղութիւն ըստ առաջնոյն, զոր ունէին ի նախնեաց իւրեանց որդից որդիս յաւիտենական: Բայց ան զգուշացոյց, զի մի պերկիրն իւր Խաղախն բնաւ չաւերէ և ոչ վնաս գործէ. բայց եթէ աւերեսցէ և վնասեսցէ ինչ՝ դարձեալ խաղաղութիւնն ի խոռվութիւն փոխեսցի և աւերեսցի: Այսքան և առ այս: